

*Al Vaĩnt id Tramuntàna e al Sàul*

*I s litighêvn un dë al Vaĩnt id Tramuntàna e al Sàul, l ò pretendând d èsar pió fòrt che cl ètar. A un zêrt pōnt i vdénn un viažadâur ch'al gnîva avānti tótt inbacucà int una caparèla. Alåura i dû litigānt i s méssan d acôrd ch'al sré stà pió fòrt quall ch'al fóss ariusë a fèi cavè la caparèla d'adòs.*

*Acsë al Vaĩnt id Tramuntàna al cminzé a supîê cāun sàĩnpar pió fòrza, ma al viažadâur al s fasêva sàĩnpar pió strécc int la caparèla, tãnt che a un zêrt pōnt al Vaĩnt, stóff, al sméss id tirê. Alåura al Sàul al s fé sóbbit vaddar in zîl cminzând a scaldè, tãnt che al viažadâur, ch'al sintîva tròp chèld, as cavé d'adòs la caparèla. Acsë la Tramuntàna la fó ubligà ad arcgnóssar che al Sàul l îra pió fòrt che lî.*

*T èla piasó sta sturièla? Vlaggna ripêtle?*